

汉  
魏  
丛  
书

汉魏丛书

新序叙

古之治天下者一道德同風俗蓋九州之廣萬民之衆千歲之遠其教旣明其政旣成之後所守者一道所傳者一說而已故詩書之文歷世數十作者非一而言未嘗不相爲終始化

之如此其至也當是之時異行者有  
誅異言者有禁防之又如此其備也  
故二帝三王之際及其中間嘗更衰  
亂而餘澤未熄之時百家衆說未有  
能出其間者也及周之末世先王之  
教化法度旣廢餘澤旣熄世之治方



術者蓋得其一偏故人奮其私意家  
尚其私學學者蠭起於中國皆明其  
所長而昧其所短務其所得而諱其  
所失天下之士各自爲言而不能相  
通世人之不復知夫學之有統道之  
有歸也先王之遺文雖在皆絀而不

講況至於秦爲世所大禁哉漢興六  
藝皆得於散絕殘脫之餘世無復明  
先王之道爲衆說之所蔽闇而不明  
鬱而不發而怪奇可喜之論各師異  
見皆自名家者誕漫於中國一切不  
異於周之末世其弊至於今尚在也

自斯以來天下學者知折衷於聖人而能純於道德之美者揚雄氏而止耳如向之徒皆不免爲衆說之蔽而不知有折衷者也孟子曰待文王而後興者凡民也豪傑之士雖無文王猶興漢之士豈特無明先王之道以

一之者哉亦其出於是時者豪傑之士少故不能特起於流俗之中絕學之後也蓋向之序此書於今最爲近古雖不能無失然遠至舜禹而次及於周秦以來古人之嘉言善行亦往往而在也要在慎取之而已故臣旣



惜其不可見者而校其可見者特詳

焉亦足以知臣之志者豈好辯哉蓋

臣之不得已也編校書籍臣曾鞏上

以來古人之嘉言善行往往而在而情乎其所聞  
二十篇竟無得而考其說當編覽唐宋人著書所

引新序亦有今本所不收者而其文皆不全惟三

國志劉廙傳注引新序云趙簡子欲專天下討其

相曰趙有犢孺晉有鐸鳴魯有孔丘吾殺三人者

一之者哉亦其出於是時者豪傑之  
士少故不能特起於流俗之中絕學  
之後也蓋向在唐此書為今最為近  
耳之不特耳也融於書融耳曾鞏王  
無亦足以映耳之志者豈致鞏詩蓋  
韻其不可見者而對其可見者都精

右劉向新序十卷隋唐志俱三十卷通考祇十卷  
曾子固序其略曰向所集次新序三十篇錄一篇  
隋唐之世尙爲全書今可見者十篇而已此書最  
爲近古雖不能無失然遠至舜禹而次及於周秦  
以來古人之嘉言善行往往而在而惜乎其所闕  
二十篇竟無得而考也謨嘗徧覽唐宋人類書所  
引新序亦有今本所不收者而其文皆不全惟三  
國志劉廙傳注引新序云趙簡子欲專天下謂其  
相曰趙有犢犢晉有鐸鳴魯有孔丘吾殺三人者

天下可王也於是乃召犢孺鐸鳴而問政焉已卽  
殺之使使者聘孔子於魯以胾牛肉迎于河上使  
者謂船人曰孔子卽上船中河必流而殺之孔子  
至使者致命進胾牛之肉孔子仰天而嘆下乃云  
云具有首尾而其文脊駁若未可信第以胾牛故  
事語人未有不茫然者故亦復識之以補史記家  
語之闕若其所引楚共王逐申侯晉文公遇欒武  
子葉公諸梁問樂王鮒王伯厚已與說苑同譏傳  
記若此者衆又不勝辨也此與說苑列女傳俱在



漢志劉向所序六十七篇內但班固原注尙有世  
說書不傳而後世所傳列仙傳三卷又不在此數  
內今祇仍叢書舊本校刊新序說苑其列女列仙  
二傳尙當采而續之云汝上王謨識

三折尚當果而歸之云云王嬭適以補史記  
內今刻泐盡青薄本外凡流派殆終其既之區  
諸書不冉而外則其間則三卷天不其出禮  
樂志隱回則京六十二卷內則燕國景帝尚亦

新序卷一

漢 沛郡劉向著 新城陳用光校

雜事第一

昔者舜自耕稼陶漁而躬孝友。父瞽瞍頑母嚚及弟象傲皆下愚不移。舜盡孝道以供養瞽瞍。瞽瞍與象爲浚井塗廩之謀。欲以殺舜。舜孝益篤。出田則號泣。年五十猶嬰兒慕。可謂至孝矣。故耕於歷山。歷山之耕者讓畔。陶於河濱。河濱之陶者器不苦窳。漁於雷澤。雷澤之漁者分均。及立爲天子。天下化之。蠻夷率

服北發渠搜。南撫交趾。莫不慕義。麟鳳在郊。故孔子曰。孝弟之至。通於神明。光於四海。舜之謂也。孔子在州里。篤行孝道。居於闕黨。闕黨之子弟。畋漁分有親者得多。孝以化之也。是以七十二子自遠方至。服從其德。魯有沈猶氏者。且飲羊飽之以欺市人。公慎氏有妻而淫。慎潰氏奢侈驕佚。魯氏之鬻牛馬者。善豫賈。孔子將爲魯司寇。沈猶氏不敢朝飲其羊。公慎氏出其妻。慎潰氏踰阼而徙。魯之鬻馬牛不遇賈。布正以待之也。旣爲司寇。季孟墮郈費之城。齊人歸所侵。



魯之地由積正之所致也。故曰其身正不令而行。  
孫叔敖爲嬰兒之時。出遊見兩頭蛇。殺而埋之。歸而  
泣。其母問其故。叔敖對曰。聞見兩頭之蛇者死。嚮者  
吾見之。恐去母而死也。其母曰。蛇今安在。曰。恐他人  
又見。殺而埋之矣。其母曰。吾聞有陰德者。天報以福。  
汝不死也。及長爲楚令尹。未治而國人信其仁也。  
禹之興也。以塗山。桀之亡也。以末喜。湯之興也。以有  
莘。紂之亡也。以妲己。文武之興也。以任姒。幽王之亡  
也。以褒姒。是以詩正關雎。而春秋褒伯姬也。樊姬楚